



Briavan von Vorsitar von 4 von hornung 2026

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
3	Ånemmen inb skèm voda Konventziong pinn Kamòu vo Lusérn vor prodjèkte zo geba arbat	1. Åzonemma in skèm vodar Konventziong zbisnen in Toalkamòu vodar Zimbar Hoachebene un in Kamòu vo Lusérn auzolega prodjèkte zo geba arbat in laüt boda hãm soin vonsetz in in di lentar von Toalkamòu. Dar skèm iz in gântzan toal vo disan Provedimént; 2. Zo khöda ke dar Toalkamòu vodar Zimbar Hoachebene nimp å auzolega garadege prodjèkte zo geba arbat in an kontèst vo solidaresche ekonomì vor laüt boda lem in di lentar von Toalakamòu sèlbart; laüt boda hãm sber zo venna åndra arbat un boda soin någestânt von sotziàl Dienst un darzuar soin auzgehakht vodar bèlt vodar arbat un vo åndre prodjèkte augelekk vodar autonome Provìntz vo Tria odor vo åndre toalkamöündar un hãm mångl azmen nåstea zo maga khearn z'arbata; 3. Zo khöda ke dar Toalakamòu bart vennen di laüt boda hãm di rècht zo maga nemmen toal in Prodjèkt, dar bartz tüan sèlbart odor pittar hilfe vo åndre: zo geba di arbat, zo macha di kontrètt un allz daz sèll boda bart soin mångl, åstèllante di laüt zornìrt in di emtar vodar hoachebene, dòpo zo haba gehöart azta disan emtar geatzen guat un schaugante drau azta allz gea azpe 'z hatt z'soina;

- | | |
|--|--|
| | <ol style="list-style-type: none">4. Zo khöda ke dar Kamòu vo Lusérn lekkse untar ázonemma in soine emtar di laüt boda hám soin vonsetz afte Hoachebene, zornírt von Toalkamòu vodar Zimabr Hoachebene, sichrante ke disan laüt bartnen nâstian alle tage an ágestèllte dar soinen un gebanten darzuar baztada iz mângl zo maga arbatn asó azta dar prodjèkt kemm vürgevüart in gântzan;5. Zo khöda ke di zboa Emtar bartn nidarleng in konkret di arbat boda dise laüt bartn mochan machan un sichrarn zo arbata pittnândar drauzoschauga un zo helva di laüt zo macha di arbat daz peste bosa mang;6. Zo lazza az saibe dar vüarar von sotziâl Dianst zo tüana az baztada bart soin mângl vürzovüara di prodjèkte boma sait drâ zo reda, khödante darzuar ke pitt disan provedimént khinta untargelekk khumma gèlt aftn vorausrichtege Bilântz vo haür un njânka in di sèlln boda khmmen;7. Zo macha hám kòpia vo disan provedimént in Kamòu vo Luserna zoa azzar mage tüan daz sèll boden zuarsteat; |
|--|--|